



basic education

Department:
Basic Education
REPUBLIC OF SOUTH AFRICA

**NATIONAL
SENIOR CERTIFICATE**

LIBANGA 12

SISWATI LULWIMI LWEKUCALA LWEKWENGETA (FAL)

LIPHEPHA LESIBILI (P2)

LWETI 2022

TICONDZISO TEKUMAKA

EMAMAKI: 70

Leticondziso Tekumaka tinemakhasi la-12.

TICONDZISO TEKUMAKA

- Nangabe umhlolwa aphendvule imibuto lengetulu kwaleyo lelindzelekile, maka timphendvulo letisekucaleni kuphela, maka kuphela imphendvulo yembuto wekucala kuleso naleso SIGABA.
- Nangabe umhlolwa anike timphendvulo letimbili lapho imphendvulo yekucala iliphutsa kantsi lena yesibili iliciniso, akumakwe imphendvulo yekucala yesibili ingamakwa.
- Nangabe tinombolo tetimphendvulo tinemaphutsa, maka ulandzele ticondziso tekumaka.
- Nangabe liphutsa lesipelingi litsikameta inshokutsi, akunganikwa limaki, kantsi nangabe inshokutsi ayitsikameteki, kunganikwa limaki.
- Imibuto lemifisha: Nangabe umhlolwa angakafaki bokhulumile nangabe kufanele acaphune akangajeziswa.
- **Emibutweni levulekile** bahlolwa abanganikwa emamaki nangabe baphendvule ngetimphendvulo letitsi: YEBO/CHA nobe NGIYAVUMA/ANGIVUMI. Onkhe emamaki anikwa sizatfu/kuchaza ngalokugcwele/kwesekela/kucaphuna.
- Emibutweni lefuna LICINISO/LIPHUTSA nobe LIPHUZU/UMBONO emamaki akangehlukani emkhatsini, lokusho kutsi alikho limaki lelinikwa LICINISO/LIPHUTSA nobe LIPHUZU/UMBONO, onkhe emamaki anikwa sizatfu/kuchaza ngalokugcwele/kwesekela/kucaphuna.

SIGABA A: INOVELI

UMBUTO 1: KWASHA TIKHOTSA – LL Dlamini

- 1.1 1.1.1 Umoya wekukhatsateka.√ (1)
- 1.1.2 C/Tintfo setigucukile.√ (1)
- 1.1.3 Ubona Mswati uthulile akasho lutfo manje ukhatsatwa kutsi batawuhlaselwa bangakalindzeli.√√ (2)
- 1.1.4 Lokubhebhethsekisa ludvweshu kuhlangu kwebanakaboMswati bakhe emachinga ekuhlasele Mswati.√√ (2)
- 1.1.5 Timveta anesimilo lesiveta indzelelo ngobe yena ubona Mswati ayintfo lengasilutfo. √√ (2)
- 1.1.6 Iyasivetela ingcikitsi lengumbango webukhosi, kuletheksthi kuyavela kutsi Mswati ubangiswa sihlalo sebukhosi banakabo. √√ (2)
- 1.1.7 Lamavi aNdlela aveta kutsi Mswati unemandla akesebi lutfo akekho lolwa naye aphumelele. Nemiphumela yekwehlulwa kwebanakabo esiphethweni kufakazela loko. √√ (2)
- 1.1.8 Emaphupho abika lokuliciniso, Sidwala waphupha uyise atsi abatfutse kulenzawo ngobe kukhulu lokutako. Ekugcineni kwaba njalo ngobe bahlaselwa bagcine babalekile. √√ (2)
- 1.1.9 Siphetho siyakuvela lokungakalindzeleki ngobe sitfola Sidwala uyabaleka uyobhaca emsandzeni/Somcuba uyabulawa, imiti yabo yashiswa/tiganga nemasimu abo nako kuyashiswa. (Kutsatfu kwaloku) √√√ (3)
- 1.2 1.2.1 B/Bekasho kubanakabo. √ (1)
- 1.2.2 Isivetela kutsi uyakutsandza kusebentisana nalabanye bantfu. √ (1)
- 1.2.3 Kuhle kucocisana umlomo nemlomo kucala kunekutsi kucociswane ngesijula nelijozi. √√ (2)
- 1.2.4 Kufuna kubona kutsi banakaboMswati bayophetsa ngani ngekufuna kuhlasele umnakabo√√. (2)
- 1.2.5 Sibenemphumela wekutsi bakhone kubonisana bancobe titsa tabo. √√ (2)
- 1.2.6 Kungobe bayati kutsi bukhosi ngebakhe ngako-ke nabo bayabufuna. Kubonisana naye bekungabenta bangasabutfoli. √√ (2)

- 1.2.7 Usetfulela umlayeto wekwetsembeka emsebentini wakho uwente ngekutikhandla. Sicobolonjwane bekatsembekile kuMswati enta kahle konkhe latfunywa kona. ✓✓ (2)
- 1.2.8 Kubalulekile ngobe inkhosi ngiyo lekumele itsatse tincumo letitovikela sive ibuye ingatfuki, imelane nato tonkhe timo letivela embikwayo.
(Imibono itawehlukana.) ✓✓ (2)
- 1.2.9 Yehlukile ngobe yena uyakhona kusebentisana netindvuna takhe, akatsatsi tincumo ayedvwa, kuyabonakala kutsi usikhatsalele sive sakhe uvumela tindvuna kutsi tibuke simo nekuvikeleka kwawonkhe umuntfu. ✓✓ (2)
- 1.2.10 Lokwenteka kubanakaboMswati kusita imindeni lesebukhosini ifundza ngekubaluleka kwekuhlonipha umtsetfo nemlandvo webukhosi ngobe kungahloniphi kwalokumele atsatse bukhosi kwaboSidvwala kwabafaka enkingeni yekuhlaselwa babulawe.
(Naleminye imibono lenembako yemukelekile) ✓✓ (2)

[35]

UMBUTO 2: NGENCA YAKHO – JJ Ncongwane

- 2.1 2.1.1 Kungobe unina wamlehla nakacedza kumtfolo. ✓ (1)
- 2.1.2 A/Setfulo. ✓ (1)
- 2.1.3 Ludvweshu lwangekhatsi ngobe umcondvo wakhe watfolakala uidekile kutsi utamphendvula atsini kuMshumayeli ngobe bekangakalindzeli kutsi ambute ngekutalwa kwakhe. ✓✓ (2)
- 2.1.4 Sikhatsi sengucuko ngobe kusaphilwa sidzala kantsi tintfo setiyagucuka. ✓✓ (2)
- 2.1.5 Bekatimisela esikolweni futsi awenta umsebenti wakhe/bekabahlonipha bomkhulu Gendinyoni nagogo Finishi/bekabahlonipha bothishela esikolweni. (Kubili kwaloku) ✓✓ (2)
- 2.1.6 Hulumende ubasita ngekubanika sibonelelo sesondlo sebantfwana abuye abakhele tindlu tekuhlala kute bakhone kuphila njengalabanye bantfwana. ✓✓ (2)
- 2.1.7 Mshumayeli uhlukumeteka ngekwengcondvo/ngekwemoya/**uyabandlululwa** ngekwelibala. (Kubili kwaloku) ✓✓ (2)
- 2.1.8 Ikhombisa kubaluleka kwelutsandvo lwemndeni nekukhatsalelana ngobe bamtsatsa umtukulu wabo ngetikhatsi letimatima bangabuki kutsi lesento sabo singafaka imphilo yabo engotini. ✓✓ (2)
- 2.1.9 Lusha lwalamuhla luvame kutifaka ebugebengwini/ludla nobe lutsengisa tidzakamiva/lubaleka emakhaya luyohlala emigwacweni/luyatibulala/lutsengisa ngemitimba yalo. (Kutsatfu kwaloku) ✓✓✓ (3)
- 2.2 2.2.1 C/Sekutsandzana. ✓ (1)
- 2.2.2 Kutitsatsa tonkhe atente takhe Mshumayeli angatitfoli. ✓ (1)
- 2.2.3 Imveta angumuntfu lotsandza kufundza ngobe vele bekatimisela esikolweni waphumelela nangemalengiso. ✓✓ (2)
- 2.2.4 Ludzaba lwekutsi kumele ayekele sikolo ayewusebenta ePulazini kaTimbulu. ✓✓ (2)
- 2.2.5 'Senaba belumbi Mshumayeli. Senivuka lilanga lilapha etulu.' ✓✓ (2)
- 2.2.6 Kungobe walala umtimba ubuhlungu ngekunatsa umcombotsi kaMaseko. ✓✓ (2)

- 2.2.7 Mabhunu utfolakala ahlukumeta Mshumayeli futsi asigebengu ekucaleni kwenzaba kepha esiphetfweni sayo uyagucuka uyacolisa kuMshumayeli ugcine asebenta emtini wakhe. √√ (2)
- 2.2.8 Umlayeto wekutsi sibohloniphana sitsandzane nangabe singumndeni singahlukumeti batukulu ngobe ngibo labatawusisita ngemuso. √√ (2)
- 2.2.9 Basesekhona ngobe ubatfola bahleti emakhaya bangasebenti bahlukumeta bantfwana babodzadzewabo. √√ (2)
- 2.2.10 Lenkhulumo ihlangana nalokwentiwa nguMshumayeli ngobe akazange waphindzisela lokubi kuMabhunu ngekumhlupha kwakhe asafundza sikolo. Wamcolela, wabuye wamcasha kutsi ayewusebenta kakhe kute aphile kancono. √√ (2)
(Naleminywe imibono yamukelekile) [35]

SAMBA SESIGABA A: 35

SIGABA B: UMDLALO

UMBUTO 3: LAHLOMA LADVUMA – Z MOTSA

- 3.1 3.1.1 Ngekutsi angasakufuni kuba iNdlovukati yesive seBatfwa. ✓ (1)
- 3.1.2 B/Simo sekutsandzana. ✓ (1)
- 3.1.3 Nakakhuluma naye kwaba ngatsi ungenwa lichwa/Utfolakala aguca ngelidvolo kukhomba injabulo lanayo/umbita ngemagama lakhomba lutsandvo/uyamhlonipha. (Kubili kwaloku) ✓✓ (2)
- 3.1.4 Nasisobabili lapha, ngicela ungawasebentisi kakhulu lamabito aboSilo naboMbiba. ✓✓ (2)
- 3.1.5 Badlali babili kuphela/ indzawo icocekile/atikho tihibe letingenta ungalaleki. (Kubili kwaloku) ✓✓ (2)
- 3.1.6 Ingoti yekubulawa nobe badzingiswe ngekungawulandzeli umtsetfo wesive. ✓✓ (2)
- 3.1.7 Kuliciniso. Khetsiwe wakhona kulandzela inhliyo yakhe ngekutsandzana naTsembative ati kahle kutsi ukhetsiwe kwekutsi abe iNdlovukati yesive. ✓✓ (2)
- 3.1.8 Akhombisa kumangala ngobe ucakwa nguloku lokushiwo nguTsembative lokuphambene nemiyalo yasebukhosini. ✓✓ (2)
- 3.1.9 Unesibindzi akesebi lutfo/uyakhona kwenta tintfo letitsandvwa inhliyo yakhe/bekalitibulo lweMbiba. (Kubili kwaloku). ✓✓ (2)
- 3.1.10 Sifundza kutsi lutsandvo lungumancoba ngobe iMbiba yayekela Tsembative naKhetsiwe kutsi batsandzane yangababulali. (Naleminye imibono lenembako yemukelekile) ✓✓ (2)
- 3.2 3.2.1 Ludvweshu lwangaphandle ngobe Madzandza naNdvukutemphi bayacabana ngobe Ndvuku uphika sisu sakhe. ✓✓ (2)
- 3.2.2 'Hlukana nami-ke, loko lokwenteka kwaba siphosiso, ngangitdlalela nje, yami inhliyo kayisekho lapho.' ✓ (1)
- 3.2.3 D/Inkinga yabo bobabili. ✓ (1)
- 3.2.4 Ndvukutemphi abevikela sitfunti sakhe, akafuni kuncishwa bukholi ngekutsi sewukhulelise Madzandza ngobe iNdlovukati beseyikhetsiwe simuva atsi sento saMadzandza sitamenyela inyama emantini. ✓✓ (2)

- 3.2.5 Madzandza uba nemandla ekumelana nendzelelo yemadvodza futsi uvikela nesifunti sekuhlukunyetwa kwebafati bashiywe nebantfwana babakhulise babodvwa. √√ (2)
- 3.2.6 Kukhulelwa asesemncane/kutibandzakanya kutemacansi ngembi kwekushada/kufuna bulungiswa ngekukhulelwa kwakhe/kufuna lutsandvo ngenkhani. (Kutsatfu kwaloku) √√√ (3)
- 3.2.7 Angaba ngumake locotfo ngobe uyawalwela emalungelo akhe newemntfwana, akafuni kutsi ingatiwa imvelaphi yemntfwana. √√ (2)
- 3.2.8 Akukamfaneli ngobe bantfu bakhe buyaceka futsi akananhlitiyo yekuvelana nalabanye bantfu. √√ (2)
- 3.2.9 Angivelani naye ngobe Ndvukutemphi bekaphila ngeludlame ahlukumeta labanye bantfu. Kuba neludlame lwakhe kwamenta wafa angakabutfoli bukhosi. √√ (2)

SAMBA SESIGABA B: 35

SIGABA C: TINDZABA LETIMFISHA

UMBUTO 4: TELUTSANDVO ATIPHELI – JJ Ncongwane

4.1 'LIPHUTSA LAKHO' – JJ Ncongwane

- 4.1.1 Zulu utfolakala athandaza akhuluma emagama latsi, 'siyati Babe kutsi kulala kufanana nekufa, kanjalo nekufa kufanana nebutfongo. Siyati kutsi sitawufa kodvwa asati kutsi sitawufelaphi nekutsi sitawufa njani'. √√ (2)
- 4.1.2 C/Ngumhlengikati. √ (1)
- 4.1.3 Kusho kutsi kulabafile. √ (1)
- 4.1.4 Balingisi bancane batsatfu kuphela/Sigameko lesivetiwe sinye kuphela/Konkhe lokwentekako kwenteka ngelilanga linye. (Kubili kwaloku) √√ (2)
- 4.1.5 Kuveta ingcikitsi yekungetsembeki ngobe Jeaneth unesingani lesinguSam kantsi ushadile unendvodza lenguZulu. √√ (2)
- 4.1.6 Ucamba emanga utsi uya emsebentini kantsi uhamba naSam/ ungenisa singani sakhe ngelifasitelo indvodza yakhe ilele/uvumela kutsi kubulawe indvodza yakhe. (Kubili kwaloku) √√ (2)
- 4.1.7 Jeaneth akamtsandzi Zulu/bacabanga kutsi Zulu sewuyati kwekutsi Jeaneth bekangekho emsebentini ahambe naSam/bacabanga kutsi bangambulala batawube sebashada bobabili sekungekho umuntfu loyinkinga. (Kubili kwaloku) √√ (2)
- 4.1.8 Kuliciniso ngobe Jeaneth utfolakala uthulisa umntfwana atsi, 'thula babe thula Mshengu wami' lekusibongo saSam hhayi semyeni wakhe Zulu. √√ (2)
- 4.1.9 Sijeziso sekufakwa ejele agwetjwe iminyaka leminyenti ngekubulala Jeaneth naZulu. √√ (2)
- 4.1.10 Sifungo lesentiwa nguJeaneth nendvodza yakhe Zulu ngelilanga labo lemshado sihlanguana kakhulu nesiphetho salendzatjana ngobe batfolakala bafa ngelilanga linye futsi bobabili basashadile. Loko kwabenta bahlukaniswa ngiko kufa kuphela. √√ (2)

4.2 'INHLUPHEKO' – JJ Ncongwane

- 4.2.1 Kungobe besekophe kakhulu angasanamandla/bekabona kutsi sewuyashona/bekangafuni kuba ngumtfwalo emndenini wakhe baze batfolwe ngulamasotja. (Kubili kwaloku) √√ (2)

- 4.2.2 C/NguTiti. ✓ (1)
- 4.2.3 Babukene nenkinga yenhlupheko eveni labo, ngako-ke sebafuno kweca baye eveni laseNingizimu Afrika/**Babukene nenkinga yekutsi batawuwela njani kulodalada lonagezi.** ✓ (1)
- 4.2.4 Yenteka eveni laseMaputo, encwadzini sivetelwa kutsi Titi abekhuluma Siputukezi lokululwimi lwakubo. ✓✓ (2)
- 4.2.5 Sidvumbu sakhe siyobola sinuke/umoya wakhe angeke ukutfole kuphumula/tilwane tasendle tingamudla timcedze. (Kubili kwaloku). ✓✓ (2)
- 4.2.6 Simo senhlalo kulelive sikhombisa kutsi bantfu basaphila kabuhlungu bayahlushwa/bete emalungelo/imphilo yemuntfu ayihlonishwa/baphatsi balelive abanalo luvelo. (Kubili kwaloku) ✓✓ (2)
- 4.2.7 Bekatawuba netinkinga tekungalali ngobe bekatawuloku acabangana nendvodzakati yakhe leyamshiya kabuhlungu/ Bekangaba nesifo senhlitiyo ngalobuhlungu bekushiywa yindvodzakati yakhe ngesihluku. ✓✓ (Naleminywe imibono lenembako yemukelekile) (2)
- 4.2.8 Siveta inkholo yebukhrestu ngobe Titi ukholelwa kutsi Nkulunkulu unemandla ngetulu kwato tonkhe tintfo. ✓✓ (2)
- 4.2.9 Bajabulela kutsi inhlupheko seyiphelile/ sebatawucala imphilo lencono/batawutfola kudla/batawutfola umsebenti. (Kutsatfu kwaloku). ✓✓✓ (3)

SAMBA SESIGABA C: 35

SIGABA D: TINKONDLO

UMBUTO 5: *EMATFUNDVULUKA* – BB Malangwane

5.1 'YIPHUMUTENI NEBAKITSI' – JJ Ncongwane

- 5.1.1 Yilirikhi. Sonkondlo uvakalisa imiva yakhe yekukhatsateka ngalentfo leyentiwa bantfu ebusuku atilalele. √√ (2)
- 5.1.2 A/Sifaniso. √ (1)
- 5.1.3 Imvumelwanosicalo. √ (1)
- 5.1.4 Sonkondlo uchaza kutsi labantfu abanalo luvelo bayafana netilwane letidla bantfu. √√ (2)
- 5.1.5 Kodwa senibuyile nakhwetela bomchinch. √√ (2)
- 5.1.6 Sonkondlo bekasesimeni sebuhlungu ngobe labantfu bamhlasela atiphumulele batsatse nemkakhe bamshumphetela angasakhoni nekuva lutfo. √√ (2)
- 5.1.7 Sicedzelelamcondvo ngobe umcondvo wemugca longetulu uphelela emgceci longentasi. √√ (2)
- 5.1.8 Lomugca usiletsela sitfombe sekutsi sonkondlo akasenalutfo ngobe labantfu sebamtsatsele yonkhe intfo yakhe layisebentele ngemandla nangemali yakhe. √√
(Naleminywe imibono lenembako yemukelekile) (2)
- 5.1.9 Sonkondlo uphumelele kuniketa lenkondlo sihloko lesitsi Yiphumuteni Nebakitsi ngobe vele uyakudzinga kuphumula ahlale ngekuthula. Kuhlaselwa kwakhe ngulabantfu kumenta angasahlaliseki kahle ngobe ahlalela evalweni. √√√
(Naleminywe imibono lenembako yemukelekile) (3)

5.2 'NASENGIKHATSELE' – JJ Ncongwane

- 5.2.1 Aletsa luchumanomkhatsini lolwecako. Lamagama ayefana futsi asho lokufanako emigceci lengalandzelani. √√ (2)
- 5.2.2 D/Emehlo akhe akasaboni. √ (1)
- 5.2.3 Bekasho kutsi nasekafile angasaphefumuli nakancane. √ (1)
- 5.2.4 Sifanangwaca ngobe lamagama alomugca acala ngangwaca lofanako longu S-. √√ (2)
- 5.2.5 Sonkondlo ukhuluma ngekufa kwakhe. Ucela bantfu kutsi nasekafile bambeke endzaweni lapho kunemabhuku khona. √√ (2)

- 5.2.6 Ningibeke dvute nelibhuku lelikhulu
Lelavul' emehlo ami emoya. √√ (2)
- 5.2.7 Ningicamelis' etikwemabhuku ngiphumule,
Ngiphumule kucabanga ngemabhuku,
Ningibeke dvute nelibhuku lelikhulu, √√ (2)
- 5.2.8 Lenkondlo iveta imphindvwa ngobe lemigca letfolakala iphindziwe
ekugcineni kwaletindzima letintsatfu. √√
(Naleminye imibono lenembako yemukelekile) (2)
- 5.2.9 Lenzima isedlulisela umlayeto lotsi, umuntfu nasafile kufanele
abekwe kahle endzaweni lesedvute netihlobo nebangani
angabekwa noma kukuphi kwangatsi uyalahlwa. √√
(Naleminye imibono lenembako yemukelekile) (2)
- 5.2.10 Kunemtselela wekutsi nasewudlulile emhlabeni umndeni
ungahlupheki kepha uvele wente loku lokubhalile. Loko kwenta
emalungiselelo nemngcwabo wakho uhambe kahle ngaphandle
kwetihibe. √√
(Naleminye imibono lenembako yemukelekile) (2)

SAMBA SESIGABA D: 35
SAMBA SAKO KONKHE: 70